

"Nan ta informa cosnan cu absolutamente no ta corecto"

Presidente di SPA fada, cansa y disgusta cu medio di prensa comprometi!

ORANJESTAD (AAN) – Presidente di Sindicato di Polis (SPA), señor Eric Zaandam a yama un rueda di prensa, ya den oranan di atardi, pa reacciona riba informacionnan cu a sali publica den un medio di prensa comprometi, y cu e ta haya cu no ta cuadra cu berdad.

E lider sindical a referi na prome lugar na un publicacion cu ta bisa cu sindicato di polis ta exige pa worde presupuesta 6 miyon pa overtime pa aña 2007, cual no ta berdad pasobra e sindicato nunca ta exige esey na ningun hende, ni tin e tarea di pone un suma pa presupuesto.

Zaandam a subraya cu esaki ta un tarea di Mando Policial y si ta e ta pone e cifra aki, e medionan mester referi na dje, y Mando Policial tin su argumentonan pakico e ta kere cu mester di seis miyon pa overtime.

E sindicalista a agrega cu cinco aña pasa a presupuesta y worde paga casi 9 miyon florin na overtime den KPA, pasobra tabata tin diferente departamento cu a worde "inclina" den Cuerpo Policial, y door di esey hopi hende a kere cu ta solamente KPA ta traha overtime siendo cu no ta berdad sino cu tabata tin diferente otro departamento cu no ta polis cu a haci uso di overtime.

E siguiente aña e presupuesto

a worde baha na 8 miyon, y asina consecutivamente a bahe na 7 miyon te cu 6 miyon aña pasa, y e aña aki nan a purba di bahe na 5 miyon florin. Kiermen, cada aña e ta bira menos y Mando Policial conhuntamente cu su personal a percura pa baha e trend di overtime te na banda di 5.5 miyon.

Zaandam a remarca cu esaki ta e realidad y el a agrega cu mirando e proyectonan cu Mando Policial tin pa 2007, el a duna di conoce na e minister pa mehor e pone e presupuesto pa 2007 pa seis miyon florin, y no e sindicato.

Eric Zaandam a cuestiona e medio di comunicacion cu semper ta usa palabranan cu no ta berdad, cu ta bin cu argumentonan y ta puntra si ta polis ta abusa di e fondo. Por a ripara cu e expresion aki a irita e lider sindical di SPA, kende a bisa cu e sindicato ta invita nan tur pa bin sinta cu



nan, y no coi un banda so pa check. Nan a skirbi cu mara nan por bin na placa chikito pa check con e asunto di overtime di polis ta, y sr. Zaandam a bisa cu ohala e departamentonan cu nan tin, manera CAD, entre otro, por bin check kico ta come y bebe cerca e polisnan cu ta traha, pa nan sa si nan traha overtime of no.

E dirigente sindical di SPA expresa bastante molesto, cu SPA a duna cierto datonan na

minister di Husticia, pa tene bon cuenta cu nan, y na dado momento el a desvia for di e punto pa duna un ehemplo, y esaki ta ora un polis ta bay banco pa haci un prestamo kico ta sosode.

Banco ta pidi e ultimo dos slipnan y si nan ta nota cu tin overtime na dje, e suma ey ta conta hunto cu e salario pa wak si nan ta dune e prestamo of no. Pero esaki no ta nifica cu polis tin cu bay traha overtime pa bay paga su prestamo. Ademá el a enfatiza riba e pregunta: ta ken na Aruba no tin prestamo? El a puntra si e medio di comunicacion concerni no tin prestamo? Si nan so por saca placa pa nan corant, radio y television y tur cos?


Zaandam a subraya cu polis

ta un trahador ambtenaar gewoon cu ta bay banco puntra si e por fia placa y banco ta basa riba su entrada pa wak kico e polis ta haya como prestamo.

Anto e medio di comunicacion a cuestiona banco tambe, y puntra di con banco ta traha asina, y cu nan no mester traha asina comosifuera nan ta santo Dios, y cu nan sa tur cos kico mester haci akinan na Aruba. Bolbiendo na e asunto di e 6 miyon cu Alto Mando a pidi pa presupuesta, el a reitera pa esnan di e corant puntra Mando Policial pakico nan mester di e suma ey. SPA ta vigila locual Mando Policial ta haci y ta bisa nan si e tin razon of no, y ta nan ta esnan cu mester cuestiona e minister pakico e seis miyon.

TELEFONNAN DI DIARIO
582-6747 - FAX 582-8551

SOÑA TA UN COS REALIDAD TA OTRO!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



ABS King Pro
Antes Afl. 300,=
Awor Afl. 199,=